

度

支

奏

議

度支議旨錄

堂稿八卷

漕政廢弛已極新運振刷宜豫疏

特催拖逋鹽課併乞 欽定解期疏

堂印模糊祈請鑄換疏

聖壽屆期申飭彙冊疏

遵 旨續選司屬纂修賦役全書疏

申禁各倉分外需索并各衙門借夫疏

開造賦役全書規則疏

民兵尚無確數經費未見畫一疏

議收煤炭以資防守疏

酌給京軍行糧疏

酌議京軍預支通糧疏

薊鎮援兵本色甚急疏

分委司官給散城守行糧疏

援兵本色專官督催疏

勸借車輛轉運本色疏

酌議城守給餉事宜疏

酌議解發援兵行糧疏

京營城守軍丁行糧給散踰期疏

度支奏議卷之八

太子少保戶部尚書淄青畢自嚴視草

漕政廢弛已極新運振刷宜豫疏

題爲漕政廢弛已極新運振刷宜豫伏乞

天語申飭以清積弊以圖永利事竊惟漕糧關都會
之蓄儲輓輸繫三軍之命脉事綦重且大矣邇
來法久廢而奸宄叢生人滋玩而弊竇莫詰在
在蠶食處處漏卮杳然如逝波之不可問茲者
新運伊始千艘將次河干臣方加意剔釐不遺

餘力然釐弊而不窮其弊之所自始剔奸而不究其奸之所繇穴是揚湯而欲止沸也謹揭其弊之最著最急而不容不改絃易轍者爲我

皇上誦言之而仰藉

天威振刷焉大都官旗轉運之弊有四法在清蠹耗之源而不得寬假以釀禍剝運倉歇之弊有六法在杜侵蝕之竇而不得優遊以養奸以官旗轉運之弊言之一曰水次折乾之弊當問也水次交兌米皆乾潔乃無賴官旗利於折價而不

利於得米兩下通同止希折銀到手置買貨物
覬覦倍得之息而甘心掛欠今臣部旣設有監
兌而各院亦委有節推此後務嚴加查訪如有
官旗私賣糧米及解官納戶通同交銀而不交
米者查出按律擬罪懲一警百則折乾之弊可
少清矣二日夾帶違限之弊當問也漕船夾帶
貨物動至數倍重滯難行是以一船阻塞千艘
停橈借口淤淺不前因至違限阻凍查議單內
凡官旗違限其心紅房水盡宜扣除示罰今此

法久廢矣合行沿河司道有司衙門嚴加督催
凡遇漕船沿途發賣貨物及盜賣漕米者卽行
申報重懲違限照例按數扣除俾計窮於無所
施雖欲延緩其將能乎三曰虛捏漂沒之弊當
問也江河風濤變出不測漂沒之患亦時有之
而不可以爲常邇者貪弁刁軍沿途盜賣沉壞
舟於河干而假捏漂沒報官州縣有司全不加
意卽或看驗不過吏書甚有驛丞巡簡之印便
可作准報繳者伏查議單漕糧漂沒必州縣正

官親身看驗備開失風地方情狀漂損米石數目具文報部及巡漕御史另給運官印照以便查對倘只據原呈內用印鈐蓋不但真偽難辨恐於體亦甚褻矣今後漂沒地方有司具文報各經管衙門不得止給印照了事漂沒米石除免尖抵補外仍扣本官領運簞美銀二分還官庶虛捏可杜萬一而題叅覆查亦可憑矣四曰起欠冒支之弊當問也舊例各官糧運到壩查并無漂沒者准於輕賚簞美銀內量支一分作

爲鹽運之費比歲官旗串通書吏朦朧混領比至起欠掛欠前銀已盡無復可扣者矣今後運糧完日彙冊報部方准支給吏書不容高下其手任已意爲增減則扣抵可行而逋欠亦少矣以上四款皆官旗轉運之弊不可不問者也以剝運倉歇之弊言之一日抵壩剪袋之弊當禁也京通經紀共計三百餘人每遇漕糧經過石壩土壩二壩經紀除准斛外仍有剪袋不等每米一石剪去至四五升多則一斗視爲常例全

不爲恠串通管壩委官彼此瓜分誰非維正之
供而侵漁至此乎今後榜示通衢嚴行禁革有
仍前恣肆者許運官告理拿究懲一警百此輩
或可斂跡矣二曰剝船偷盜之弊當禁也剝船
洪船雖有船戶多係次身供役率皆赤貧無賴
况一旗甲之米勢必分載數船一身難於分投
並應是以米一入船任意延捱乘機偷盜挿和
沙石灌入泥水以滿原數及抵壩事發後惟有
拋船脫逃俾令窮旗極口叫苦拊心無策耳今

後責成船戶務報親丁及選殷實之人承領撐
駕不許積棍充當管船分司著實禁約至於過
壩委官先查漕米足數及有挿和與否據實申
呈無得需索常例一槩溷收向來偷盜積弊庶
幾可稍挽矣三曰車驢挿和之弊當禁也京通
邊鎮入倉米石必用車戶驢戶搬運京倉爲時
無幾所盜每石不過二三升至邊鎮則不可言
矣將米運至各家用斑貓天靈蓋煎水灌入米
內有五六斗而可長一石者入倉之後轉眼卽

成朽穢又安能入口乎邊鎮軍士苦倍京軍漸
胡可長今後各鎮解糧着運官先賚樣米一袋
呈送餉司臨倉兌驗果仍前弊嚴加究治務令
一顆一粒堪充軍士之腹始爲有實用耳四曰
晒揚遲緩之弊當禁也凡糧米入倉卽當及時
晒揚以防風雨淤澀以免發熱鬱蒸不必通俟
糧完然後始晒揚也但運官旗甲銳已竭於久
持力益疲於杪未往往呼之不應迫之不前中
有揔和水濕等米則浥爛所不免矣又有各官

糧運短少難以交納申同倉脚藉以守國爲名
故意延捱旋將倉內糠粃插入囤中臨期充數
莫可稽查今後各倉監督但遇糧到之後速行
晒揚慎勿借口舊例徐俟糧完姑置不理其無
官有旗者責之該甲卽無旗有米者責之歇役
而又酌其工費濟以緩急則插和水濕之米亦
可救得一半仍將揚過糠粃回入空厰不許藏
匿隙處以悉插和則米皆乾潔而奸計自窮矣
五日倉脚包攬之弊當禁也京通邊糧各倉多

有通神積棍盤據作奸運官到倉投入其家遂
將使費銀兩盡皆包領上下打點爲所欲爲交
納之日高下輕重盡憑其手監督偶失覺察甚
至以濕作乾以少作多而弊不可勝言矣今後
各倉監督務要嚴加禁革訪有把持作弊者呈
堂叅處串通官旗一并治罪亦懲奸釐弊之要
法也六日保欵押催之弊當禁也凡欠糧運官
在京通則有係欵在邊鎮則有押催此輩慣於
打點巧於科索將各運官銀錢誑騙入手借口

那限代比不覺花費殆盡逮至皮骨無存而後
置之囹圄之中何益耶令後追比欠糧運官先
將通庫應得銀兩開算明白行文抵扣不落積
棍之手其未完者嚴加比較不許賣放私逃假
以回家變產支吾歲月庶不致委軍糈於溝壑
乎以上六款皆剝運倉歇之弊不可不禁者也
前後臚列共成十弊外而運官之四弊弊在侵
漁總皆百姓之膏血內而各役之六弊弊在蠶
食又皆運官之膏血究且掛欠愈多正額愈短

而其害終歸於

朝廷方今新運兆始正作奸生弊者觀望之日也若
不及今振刷將何底止伏乞

勅下臣部嚴加申飭俾內外有所遵守而上下聿見
改觀則漕事利賴永永無窮矣

崇禎二年八月十九日具

題本月二十二日奉

聖旨這條陳漕弊內外十款俱切事宜便行與該管
衙門遵悉但不愆既往曷警將來舊運作弊掛欠

官旗倉場督按盡法追究過爛剝船二弊該管部
廳查覈邊糧揷和餉司查覈晒揚包攬比欠三款
監督及該司官查覈巡倉御史仍不時察訪糾奏
今天津以上水淺漕白二船先到的便應及時剝
運通廳務關剝船曾否撥發宋師襄卽查奏來新
漕倉御史也着及早具題該衙門知道欽此

特催拖通鹽課併乞 欽定解期疏

題爲特催拖通鹽課用濟緊急軍儲併乞

欽定解期

初令永遵事爲照各邊額餉田賦而外事例鹽課實
居其半備載臣部簡明冊內久經

御覽事例一款近奉

明旨暫借冬官繕造軍器至崇禎三年正月以後始
還臣部目今臣部所恃以供億各邊及各邊所
待以引領續命者獨此田賦與鹽課耳無奈入

秋以來外解益稀臣部經費除京管京支外約計秋冬二季共該邊餉一百四十八萬每月約該二十五萬今自春夏二季銷算之後七八兩月解發邊餉曾不滿二十萬臣心皇皇束手無策而淮浙河東山東閩廣鹽課總計見額帶徵共計一百五十餘萬曾錙銖未到也先是臣有邊塞呼籲日聞京邊起解中斷一疏備陳田賦鹽課逋欠之數伏蒙

聖旨令臣部卽將奏內逋額移咨撫按鹽臣勒限起

解仰惟

聖明軫念邊塞饑寒實切痼瘼重以

霆旨有赫凛於斧鉞臣部欽遵隨經通行各省直撫

按鹽臣去後臣頃又有摘叅元年京邊之疏列

名入

告矣獨是鹽課也者其輸之則富商大賈牟厚利而
出餘息非若田賦之有水旱而耕夫之苦襁褓
也其徵之則舸艘市場朝下令而夕立辦非若
田賦之待收穫而催課之淹歲月也比歲奸商

射利而一任稽遲運司那用而漫不起解乃至
有帶徵矣且帶徵又不及格矣其實商未嘗不
貢若稅而

國家不得借爲應手之需鹽課亦僅存若額而急
呼終無奈緩應之弊自非仰藉

勅旨特著

坊令恐悠悠玩愒日滋而月甚也查臣前疏請將
省直鹽課積逋仍令帶徵元年務期全完二年
亦限歲終完及八分有故違濡遲者與京邊同

一處分臣謹再請申飭

勅各巡鹽御史查積逋鹽課因何拖欠有無徵收在
官務期設法完解至各運司鹽課惟兩淮最夥
邊餉倚辦最重每年兩運起解自淮揚抵

京師不過二千餘里春運全繇水路秋運半繇陸
路卽極遲緩兩月可到乃崇禎元年秋運原報
本年十月內差官起解臣部又差人屢催迨十
二月終始到崇禎二年春運原報本年四月內
差官起解臣部又差人屢催迨六月終始到方

年之將盡也歲聿云暮各邊官軍希冀一飽以爲卒歲之需其仰給鹽課較往日倍切至五六月間時當長夏正值青黃不接外解中斷之日臣部靡所措手其倚辦鹽課亦較往日倍殷臣部每遇此時蒿目以須望眼欲穿而偏不可得也但求蚤到所濟實多合無自今以後兩淮秋冬鹽課次年春運起解定於三月內申報完文及差官起解日期限五月內解銀到部六月初旬分發各邊春夏鹽課本年秋運起解定於九

月內申報完文及差官起解日期限十一月內
解銀到部十二月初旬分發各邊值此則爲及
時之惠爲當厄之與過此則有屯膏之議有脫
巾之虞臣是以酌之五月十一月定爲限期耳
如三月九月無報完文及起解日期者罪在管
鹽官該道與該運司比照京運叅罰之例如文
到矣起解有日矣而五月十一月銀尚未到罪
在解銀官輕則褫職重則提問風聞往日解官
多有夾帶貨物沿途市販以坐致愆期者非忒

其罰不知儆也其各運司鹽課有道里不遠銀
數不多零星起解者諸不在此限臣部仰屋無
術計畫莫之不忍以自然之利待哺之需坐聽
其稽遲誤餉非敢博綜覈之名而好爲此苛求
也臣可任悚息待

命之至

崇禎二年八月二十六日具

題本月二十九日奉

聖旨這鹽課逋額該巡鹽御史各速查催准課春秋

二限卽從本年秋運爲始定限十一月到京違悞
嚴處鹽臣奉旨日先具遵奉回奏該衙門知道欽
此

堂印模糊祈請鑄換疏

題爲錢穀關係重大堂印歲久模糊謹遵例祈
請鑄換以清弊杜奸事據本部司務鄧承簡呈稱本
部職司錢穀往來全憑印信近見所印文移類
多模糊不真因查印信係隆慶元年鑄給經今
六十餘年印文平淺半邊偏斜四邊無稜相應
亟請鑄換等情到臣該臣等看得各衙門印信
之設原以昭示遠邇亦以稽查真僞臣部典司
錢穀文移獨多他署堂印總領期會關防更重

諸司比歲出納紛紜案牘旁午每日用印動經
千餘惟恃區區篆畫徵信於徑寸之微示辨於
毫芒之際耳近乃平淺偏斜漸至模糊失真及
查鑄給之期在於隆慶元年今已六十餘載矣
從來滴水穿石鋸繩斷木物久必敝理勢固然
以六十餘年之印文安能保其初體之不刊乎
萬一弊竇叢生奸宄易售誰當任其責者查今
年二月間有神棍黎旭初詐稱部胥貪奸商胡
象泰等重賄輒捏僞印假劄希圖冒領關稅已

經該司郎中范鑛摘發臣部具題叅送法司若
印文不求清楚則奸僞愈便描模究令優孟黎
丘疑似混淆府奸踵弊長此安窮臣誠廩廩懼
之竊謂謹始乃可終終鼎新莫如革故必上之
頒示者耳目煥於精明斯下之恪守者心志凜
於畫一伏覩

國朝典制凡內外大小衙門如有應換印信及關
防條記者許令隨便奏

請換給具有成例又况臣部堂印所係更重更急尤

不可以苟且因循爲者伏乞

勅下禮部查照原印篆文速行鑄發完日將舊印

奏繳至於舊例用印除一切章奏俱用硃印外其
他平行下行公務槩用紫粉其實止以蘇木熬
水最易脫落日月稍久色澤印文悉歸漫沒關
防之謂何而徒取觀美已乎合無今後臣部通
行文禁俱用紫粉加油調和刷印以防磨洗以
垂經久如是則文移往復皎然彰明臣部可恃
以稽查奸弊可望其潛消矣

崇禎二年九月初一日具

題本月初四日奉

聖旨禮部知道欽此

聖壽屆期申飭錢糧彙冊疏

題爲

聖壽屆期

入賀伊邇

天語炳若日星

功令宜飭畫一事該臣部等衙門伏於崇禎元年
十月內接出

聖諭朕惟京邊錢糧原國家正賦加派遼餉係軍國
急需我百姓胼胝奉公未嘗不完乃一人有司多

方稽誤或雜項那借或胥吏侵漁或解官沉閣以致運解愆期司農告匱三軍枵腹九塞呼庚朕軫念邊土夙夜焦勞各省直司府州縣等官恬安積習若罔聞知豈真聾瞽曠眊不辨國家之緩急良繇各兢私營等封疆若秦越藐玩功令視申飭同弁髦謂朕有不必盡行之法故也朕已有屢旨責成撫按督催叅罰爾部再通行申飭該直隸各府及各省布政司每項錢糧起解卽以起解日期及解官姓名先行報部該撫按於每季終將本季解

過錢糧若干通行造冊奏報以便稽查然歲終無
完欠總冊照應恐解官侵弊猶未肅清每歲朕壽
節之期司道官一員進表著該布政司府將各州
縣歲內完欠錢糧造簡明文冊分爲二本以金花
京邊爲舊以加派遠餉爲新贓罰銀兩造入舊冊
督撫軍餉公費銀兩造入新冊交進表官彙報解
科爾部據以叅罰奏咨吏部全完者紀錄優擢通
欠者分別革職降調輕重處分其有侵漁染指情
弊特行提究以爲欺公藐法者之戒朕又思布政

司關係錢糧出納

祖宗朝設立左右二員良有深意左布政職事頗煩一應錢糧文冊右布政協同磨勘不許推諉或兩員內偶有員缺其一員卽陞遷公事亦不得徑離職守使吏胥因緣爲姦諭頒之後爾內外大小臣工協同遵守朕一稟

祖宗之成法以飭久玩之人心憲典具在朕不能私欽哉故諭欽此欽遵已經通行在案茲者秋高冬近

咫尺

慶辰齋捧之使鱗次就道一應文冊計日畢集臣等
會同該科臣解學龍等再四商確恭惟是典也
頒布業已經年舉行實自今始

天威不遠

國憲維昭正擬以查叅次第題候

聖裁伏接邸報該江西撫臣魏照乘一本直糾昏憊
司官等事奉

聖旨錢糧轄布政司該司綜理精密孰敢蝨蠹乃一
任奸吏那借侵漁致京邊積逋好生可恨陳龍光

處未盡辜着革了職爲民示戒奏內各項錢糧册
查追補司庫通行查盤該部卽立汰議奏直隸各
府併與飭行前諭省直完欠總數進表官齎册彙
查今歲舉行伊始務要條緒簡明部科嚴加核奏
不得以冊報故事塞責該衙門知道欽此欽遵除
奏內各項錢糧聽該撫按嚴查追補及直隸各
府臣部遵照另行申飭外惟是查盤司庫之汰
併覈奏完欠文冊臣部與該科職掌攸關敢不
詳悉議覆爲照年來軍旅煩興物力久耗卽司

靡催科較之往日倍爲茹苦臣等設身處地寧敢責以時絀舉贏而致竭澤之難繼也第竊愴蒙氣久中人心而那移侵牟所在間有茲

聖謨昭垂已揭中天之日月而臣子奉行猶墮雲霧之故習作汰於涼後將浸假儻令此創行盛舉依違不振是臣等先司府之官而自底于戾也其何以永示來茲糾繩海內乎寔萬萬不敢出矣臣等竊謂

奏報之當齊截也恭釋

聖諭責令撫按官於每季終將本季解過錢糧通

造冊

奏報進

表官將歲內州縣完欠分數冊報部科以憑稽處夫
所謂歲內者卽如崇禎二年自正月以至十二
月皆本年歲內也凡起解過錢糧自應一一登
冊具報但

聖諭頒自元年之冬該科奉行乎本屢經到部而臣
部督催文移不啻星馳然各省直或以頭緒紛

雜或以道里遼遠立法之初條款冊式俱難盡
一臣部會同該科幾經駁查以致往返耽延曠
三之歷居諸迄今又當進

表之期二年文冊亦當

奏報且元年内豈無續完合無移文省直司府進
表各官將元二年歲内新舊完欠錢糧一一仰遵

明旨分別現徵壓徵地方如式彙報臣部會同該科

一總磨筭遵

旨查叅要不得更如元年之羈遲也竊又謂攢造之

當分晰也恭釋

聖諭勒造簡明文冊分爲二本以金花京邊爲舊以
加派遼餉爲新撫按贓罰造入舊冊軍餉公費
造入新冊臣等展誦之下仰惟條例皎若列眉
此外仍有別項錢糧如

內供本色等額附舊餉雜徵等額附新餉皆可類
推惟是冊款當用紀月日法先載於前如正月
初一日解過某項錢糧若干挨月順日次第類
記以便順序稽查又用開總撒法備載於後類

某省某項錢糧原額若干自某月日起至某月日止共完解若干尚欠若干後開某府某項錢糧若干自某月日起至某月日止共完解若干尚欠若干某州某縣亦照前例其直隸各府卽照省分例各以起解到部爲主庶分數一覽瞭然而勤情無所隱伏也卽今歲時日少迫越在二三千里外者或不能如式奉行然附近省直宜先稟于成憲俟進

表官到日臣部擇昭合式樣者再加潤色刊成一帙

卽令各官帶回永永遵照填註奉以示良法
不可更易庶便久遠奉行耳竊又謂參劾之
密飭也恭釋

聖諭令臣部與該科將進

表官齎投文冊據以叅罰全完者奏者吏部紀錄優
擢逋欠者分別革職降調輕重處分其有侵漁
染指情弊特行提究以爲欺公藐法者之戒爲
照人情日趨玩愒勅罰寧嫌過峻查臣部與該
科往日叅罰逋賦有司自任俸以至革職皆令

戴罪督催卽我

皇上亦垂念拮据之苦往往寬以時日限內及額供
職如故但此番

震疊寔出

膚裁與尋常摘案不同擬令進

表司官卽於司屬府州縣進

表府官卽於府屬州縣各擇拖欠之尤者另揭開報
臣部與該科覆質冊內所欠分數會叅徑行降
職改用多則十員少則五六員各該有司一旦

陡見摘削必且相率惕勵不如是則不警醒也
內果有侵漁染指者容臣與該科指名叅奏並
行革職仍提問究懲庶使天下守令共凜凜於
法在必行而盡革其玩愒之舊耳惟臣等先期
摘叅及撫按官查叅元年以前拖欠仍乞遵照
舊例分別議處戴罪督催臣等又未敢博綜覈
之名而槩阻人弇勉之路也伏查

國家令甲凡載在

會典者中外久經恪遵然每遇入

覲之期必有一飢宣告弘惟

聖諭既頒當茲肇舉謹用再一申飭伏祈

俯賜裁鑒永爲遵守至於布政司庫實爲錢穀之淵
藪會計之窾會向來查盤之典格而不行極爲
疎漏今蒙

明旨創議查盤堦底澄清莫先於此合候

命下之日臣部移咨都察院行各巡按御史會同各
該撫院遴委按察司堂上風力官一員卽赴該
布政司庫將三年以內支放并見貯錢糧整刷

卷冊逐一查盤磨勘要見已支解者有無批題
實收領狀未支解者是否實在貯於庫藏之內
就中果有侵欺那借情弊盡法究治勒令補還
完日將查過原冊繳報撫按具實奏

聞倘有曲徇情面隱匿扶同查盤監司事發連坐此
後卽以此冊爲據每遇巡按御史出巡之日查
照今例與同府州縣衙門一體查盤復

命之日另列一項入

告但不許多問緩贖以滋紛擾庶弊蠹或可頓釐而

盈虛亦可上

聞也抑臣更有請焉臣讀豳風臣下壽君之詩曰躋
彼公堂稱彼兕觥萬壽無疆文武成康以前一
時喜起之誼至今想見諸臣合司府之精誠捧
冊入

祝如其不憚征繕以急軍實貢輸畢辦

皇上披閱之際釋宵旰而霽

天顏而後喜可知也卽此是無疆之觴有晉秩之
寵錫在若第舉責任下委郡邑而徒以虛冊唐突

至尊版籍雖具通賦實多無論虎拜之際諸臣無以
自將卽諸臣之治狀臣請移咨吏部亦以此爲
殿最勿但曰

蒿呼之餘容與晝錦他無所預知耳敢因申飭而併
及之臣可任激切悚息之至 崇禎二年九月

二十五日具題本月二十八日奉

聖上是都着覈實舉行該衙門知道欽此 該戶科
叅看得兵餉至今日而置極矣歲入之額原不
足供所出卽依期完解猶虞其乏今查元年拖

欠尚多而二年又值歲終考成之期未及十分之五夫

聖主旰食於上司農疾呼於下省直司府詎不有同舟之誼而安在其有急公之心也太冬傳

聖諭萬壽進表官將新舊餉分爲二冊彙報部科今春又奉

聖旨元年彙冊限三月完報而省直之到者至今僅有其半

國計之急旣已秦越視之而

明旨之嚴又且弁髦置之因循玩愒其謂之何今

部具

聖壽屆期一疏奉有都着覈實舉行之

旨矣進表官須將元二年新舊餉冊一一如式彙報
其金花京邊遠餉督撫按賦罰軍餉公費務要
隨冊解完其冊不如式與銀不完解者進表官
與司府均任其咎

功令具在不敢假也抄出嚴之

遵旨續選司屬纂修賦役全書疏

題爲遵

旨續選司屬纂修賦役全書以襄

令典事案查崇禎二年七月初八日該本部題爲
平賦法期永利修書事關曠典等事奉

聖旨這奏裁定賦役全書專官總理及條畫各款俱
依議司官還遵前旨坐題以憑責成旣差員缺乏
先擇堪任的量題幾員仍於部寺等衙門新科進
士及州縣任滿官訪有心計或自願効勞資序相

應者陸續題補監視官都察院吏科議題選擇
開局按季奏報不得延緩該衙門知道欽此本月
十五日又該臣部題爲遵

旨遴選差官以重纂修事內坐題本部四川司主事
李縉徵山西司主事吳起龍江西司主事陳觀
陽山東司主事喻思慥河南司主事朱家仕山
西司主事耿啓六員每總裁下先委二員簡閱
候臣部再有續到司屬及訪有別衙門心計之
官自願効勞者陸續題補等因奉

聖旨這賦役修書各官選委酬叙依議省直全書該
撫按詳加裁定各依原題依限速解遲緩部科查
叅俱嚴飭行欽此欽遵抄出到部除撫按裁定全
書移咨速催所有續補纂修司屬相應題

請爲照各省直解到賦役全書規格叅差弊竇錯出
使纂修者而徒數墨尋行含糊塞責一胥史之
任足矣若欲釐奸剔蠹汰冗去浮克稱

皇上裕

國綏黎至意非閱歷多官殫竭心目安能勝其任

而愉快者此臣部前疏所以題擬左右三侍郎
分轄總裁又必遴選心計司官十二員分隸三
總裁下併力參稽誠重其事也但臣部差多官
少遽難備題臣不得已先題委李縉徵等六員
隨於七月十七日開局從事曾未浹旬而朱家
仕忽報丁艱六員之中復缺其一今三侍郎督
各司官日夜綜覈罔敢怠遑又奉

明旨商酌畫一格式現在刊刻頒布通行申飭而北
直南直陝西三處亦已磨勘將完旦暮移文嚴

查矣其續到未到十二省卷帙浩煩不啻充棟而欲取辦於寥寥數員之手恐綆短難以汲深卽鞭長豈能及腹及查巡視科院續題纂修司官必繇推知陞轉方明習簿書錢穀之數竣茲令典又查本部新陞到任及差滿回部有山東司郎中閻顧行江西司員外劉維禎陝西司員外王嘉言廣東司員外竺繼良雲南司員外林一柱廣西司主事元之偉此數臣者皆夙具諳通之才又起家州邑之長徵輸出納在昔日已經

握算持籌摘發編摩在今日何難就熟駕輕相
應坐名題委分局受事內王嘉言元之偉已經
差滿尚未回部亦宜預題以待其至此外尚少
一員恭繹

明旨曾許別借部寺州縣等官但臣前此未有所試
不敢輕舉以冒市恩樹德之嫌今據刑部山東
司主事陳振豪條陳漕政一疏錢穀利病洞若
觀火臣部見在議覆夫與其商之事外爲借俎
代庖孰若招之局中爲同舟共濟合無俯容臣

部移咨吏部將刑部主事陳振豪速查相應員
缺調補臣部纂修賦役全書以滿十二人之數
庶幾羣策畢集衆擎易舉臣與三侍郎躬親督
率於前俟書成日

皇上加與酬叙激勸於後諸臣必不敢怠緩苟且仰
負

任使於以共成不刊之典而
國計民生胥永賴之矣

崇禎二年九月三十日具

題十月初三日奉

聖旨是欽此

申禁各倉分外需索并各衙門借夫疏

題爲敬陳振玩事宜仰乞

聖明嚴賜申飭以作六師事本年二月二十二日戶
科抄出總督京營戎政太子太傅襄城伯李守
錡題前事等因內奉

聖旨一款放糧日期月不過五仍嚴禁扣尅諸弊如
前違玩者朕得於體訪該管官必罪不宥欽此復
蒙

皇上

召對面諭臣以後支放軍糧月不過五仍禁革分例
脚米等項違者查訪得出定行重究欽此該臣隨
咨會倉場仍劄付京糧下糧各廳轉行各倉取
具遵依在卷又據羽林等五十二衛倉小脚邊
忠等連名具告爲鳴天電苦退役求生事內稱
忠等雖係倉役原無工食各倉庫每日巡風上
宿應用夫五百餘名放糧盤厥工役加倍且本
衙門修理別衙門借夫煩苦難支止憑脚米養
生舊例放糧一石脚米一升八合後減爲一升

今又減爲半升若抗夫搗錢委與役等無干如
盡革去豈能忍饑効勞粘單上控乞准退役等
因到臣該臣復經移咨倉場煩查所告腳米委
係何年月日題奉

明旨果否有無工食見今作何酌處會查去後續據
管理京糧廳主事趙建極呈稱奉兩部批劄前
事隨遵移各倉查議續准監兌主事實星等手
本開稱羽林等五十二衛倉每衛額設腳子十
四五名不等用充盤糧宿風等役而各衙門中

卽有以做工借夫別用之者原無工食止靠脚
米至抗夫每倉放糧之日應用四五百名因脚
役數少故用抗夫抗夫非倉役故又有搨錢兩
者原不相涉及查脚米原係一升八合後減一
升搨錢雖非

舊制而沿襲已數十餘年矣本年正月內巡倉宋御
史減脚米爲半升定搨錢爲八文見在遵行事
應釐正但恐各役呼之不應支放必致愆期未
敢擅便等因移覆到職該職查得脚役一項按

倉投充從無工食止以脚米爲代耕之需而各
項差役亦甚是煩苦凡各倉中一切宿風巡守
盤駭疏渠及本部各廳司搬運修理等項俱係
此輩供役甚有以倩借之夫役責令應付者及
查脚米數目除一升八合無憑稽考但查萬曆
三十八年本部尚書趙世卿四十七年倉場侍
郎張問達相繼題

准俱每石以一升爲額且兩疏中業已嚴禁瓜分及
各衙門借夫等累而迄不能禁也又因各倉每

日放糧一廩額數一萬二千石應用抗夫四五
百名各脚役肩負不遑遂有附近居民投充代
抗者起初每米一石索錢二三文不等名爲撈
錢後更有索及七八文十餘文者是以巡倉宋
御史革米半升額錢八文題奉

俞旨遵行在卷乃本部以 文華

召對曾奉

聖諭復行查覈或仍照巡倉原議遵守或錢米之間
另議去留但歸併脚役使僱抗夫或盡革錢米

酌給工食亦督部面議所及者也至各項雜役
及別衙門借夫等費務須一併裁革以絕旁竇
等因呈詳本部奉批脚米搗錢相沿併取委非
政體倉院釐弊以漸原無成心若革去錢米議
給工食似亦畫一但工食爲數不貲設處爲難
或者量議脚米歸併脚役使僱抗夫裁去一切
僱夫僱馬浮費有必不可已者寧說堂官給最
爲直截亦是

祖制庶徹底澄清之法願力行何如耳本部願與各

倉監督共勉圖之京糧廳再議確報奉此該職
復經酌會各倉逐一商確議將各脚役遵照

租制放糧一石准取脚米一升一應抗糧卽責此輩
供事如不敷用着令自行僱募卽以前項脚米
分作工食掬錢盡數革去除放糧執事及修理
固基疏通溝渠泥補倉牆盤併零米上宿巡更
併補葺巡倉公署仍照前供應外其

內帑擡銀部堂併十三司謁

陵責不容諉酌議每夫一名每日給工食銀一錢二

分每馬一匹每日給工食銀一錢六分內糧銀
工食在太倉庫支給前部夫馬在本部公費支
給督部夫馬及巡倉皂役工食在籌架內支給
俱呈明批支其各衙門借夫本衙門修理衙署
搬運輓木及倉內修理大官廳板廠以至瑣屑
不堪枚舉者一併裁革則恤其私政所以急於
公等因呈詳到部又准總督倉場本部右侍郎
南居益咨據趙主事呈詳前事看得脚役原以
抗糧工食資之脚米嗣因役少難供借有代借

名曰抗夫每遇放糧軍匠稱便間與撈錢後遂沿爲故事積漸之勢至於脚米日增而撈錢亦溢軍與倉均受其累矣倉院半升八文之減正謂法窮必變姑仍之以俟改絃耳本部仰體

聖諭給核舊例示意以盡革撈錢復脚米一升之舊計無善於此矣今旣議抗糧併歸於脚役則抗夫之名色不設僱募分給以脚米則撈錢之索取無繇至於一升之內禁雜項之權分支放之日集衆役以趨事僱倩旣不苦於無資軍匠又

不苦於淹遲抑又兩便之術也等因咨覆到臣
該臣等看得腳役因抗糧而設則抗夫卽腳役
之別名也此輩旣隸名在官將一切奔走皆當
併行責成矣雖無工食原有腳米腳米未始非
工食也豈得於腳米之外而另索搗錢乎惟是
額設之腳夫不足供支放之役使於是有抗夫
之投充而搗錢起矣夫此一抗夫也不過代腳
役効勞者也卽當以腳役之米酬之爲何任勒
索於軍匠哉祇緣腳米有限除本等執役及倉

役瓜分所餘無幾而各衙門出京借支一項不知起自何年動輒有數金之費是又以倉役而兼應遞夫矣在若輩固不能自損以應官而積弊遂牢不可破也巡倉臺臣去太去甚允協情法之平但腳米之高下監督官尚得寓目而撾錢之多寡卽給腳役身在局中亦不能人人而稽查之羣聚紛擾之際倘更有出於八文之外者將誰執其咎耶亦甚非

皇上諄諄禁諭之至意矣微臣面承

天語苦心商度不啻至再至三而督臣之議革錢米
另酌工食亦屬大體第當此襟肘捉露之時銷
銖顆粒悉闕

國計似未敢輕議以爲積貯損也惟有革去撈錢
仍復當年脚米一升之

舊制則百分取一卽各官軍亦不以爲厲已矣今後
各倉俱要較準新升當場抽取數外不許擅增
合勺而各項雜役亦不許分取合勺但遇放糧
之日該倉脚役無論厥衛名色務盡數供役計

每倉已有百數十餘名矣如再不敷責令各脚
役自行僱募應用工食總在前項一升脚米之
內酌時值而分給之其所僱之人卽明註於該
役項下如有仍前索及搨錢者先罪脚役通及
抗夫似亦提綱攜領之術且於巡倉前議原相
濟而不相悖者也至若輩雜役雜費及各衙門
借夫等項應沿應革俱如該廳所議仍刊木榜
豎立倉前永爲遵守蓋十萬羽林爲

京師扞衛法在限脚米革搨錢以示挾纊投醪之

恩數百脚役司倉庾出納法須省雜費禁借夫
以爲拔本塞原之地臣部與倉場堂屬諸臣慮
此至熟也此後有不着實滌除者各倉監督以
不職論庶軍匠倉役各有寧宇而臣等亦可借
手以效剔釐於萬一矣旣經督臣咨覆前來相
應具題伏候

聖裁

勅下臣部通行各倉曉諭遵奉施行

崇禎二年十月初六日具

題本月初九日奉

聖旨是再有分外需索的監督官卽行發覺重處容
隱併罪各衙門借夫等項卽行裁革該衙門知道
欽此

開造賦役全書規則疏

題爲賦役新式已頒纂修奏成有緒恭進

御覽以便責成事照得賦役一書向固有之然民不遵而官不守總謂不出於

聖明之裁定也今欲彙兩京十三省而括以全書俾四海九州炳若日星百年萬世奉若蓍蔡亦何如其鄭重惟是規則不定格式不頒將恐因循苟且裁定無期在外者不受欺於奸胥猾里則牽制於往事陋規在內者不爲道傍之謀則持

射覆之解卽往返駁查徒耽延時日此科道所
臣總總慮之謀之臣部而有全書規則宜頒
條議也科抄到部奉

聖旨全書格式卽着該部頒布欽此該臣會同臣同
官左右侍郎李成名錢春曹珍督令纂修司官
喻思慥等彼此商確互相考訂叅之衆見定以
獨識三局各創一式呈送臣部因集衆人之長
彙爲一定之則刊刻成書移會科院於前月十
八日差役分發各省守催登報矣此一役也

領期於簡要而飛詭者無所容其奸節目貴於
詳明而隱陋者無所事其巧應革者革以額外
還之民間俾無執橫徵之自裁應減者減以有
餘歸之

公帑俾濫冒物力之自清上下相爲遵守内外有
所憑藉隨到隨修而書之成也可計日而俟矣
今而後厥賦惟均厥役惟簡寧有足

君足民而不臻康阜太平之治者臣不信也今將全
書規則開造恭進

御覽伏候

聖明裁察幸甚

崇禎二年十月十三日具

題本月十七日奉

聖旨賦役新式既頒全書務依式速報著通與兩飭
欽此

民兵尚無確數經費未見畫一疏

題爲民兵尚無確數經費未見畫一懇乞

勅令備悉查奏酌議充餉以終詰問之局事先該巡
關御史方大任題爲兵實虛而議汰等事內稱
保河民兵銀兩歲以萬計將謂贍養民兵則民
兵係僉派者徒存其名而已將謂召募民兵臣
細查並無召募前項每歲錢糧解之部乎歸之
餉司乎此皆計臣事不可不問也等因奉

聖旨兵虛餉冒動輒危詞告急年來積弊相沿殊可

痛恨據奏薊密永三協官兵虛曠名數餉額宜由
反詘所問樞計二臣諸款着逐一登答奏來不得
含糊塞責該部知道欽此隨該臣部具覆疏內備
稱民兵一節昨歲薊撫冊報遵化庫內保河民
兵錢糧每年額該三萬九千六百二十八兩每
歲節省銀一萬五千兩抵扣部發年例乃若起
自何年徵解何府州縣原額若干近日有無通
欠有無贏餘查天啓三年臣部曾經具題近日
臣屢移咨順天保定二撫催查亦未回報似當

併行查明催解作正支銷勿得任意逋負名存
實亡亦勿恣行開銷虛糜浪費者也等因奉

聖旨據奏新舊餉見支與方大任奏應支數目舊餉
多支二萬四千尚未明開本折款項新餉多支十
萬有奇因何異同有無掛漏該督撫按速責成該
道餉司查明覆奏又朕前准陶崇道奏着巡按御
史會同督撫鎮道查覈兵馬選補缺額今並未奏
到都察院再移文立限與他凡隸有兵馬錢糧處
所都照方大任例逐一點查從實奏來保河民兵

銀順保二撫速查奏該衙門知道欽此該臣移咨
順保二撫遵照查奏去後隨准順天巡撫王
雅容稱保河廣大四府每年額派民兵工食銀
共三萬九千六百二十八兩八錢遇閏加銀三
千三百二十兩四錢零此歲入之額也每年給
放三屯左營民兵工食銀一萬九千二百兩前
鎮餉司年例心紅工食銀四千九百三十四兩
四錢三屯山海鎮守小賞銀三千四百兩教場
地糧銀一十三兩共二萬七千五百四十七兩

四錢若四府全解每歲約可剩銀一萬二千人
十一兩四錢查萬曆十四年巡閱蘇御史題留
專備打造軍火器械等用此歲出之額也無奈
歷年拖欠徒有虛數其節年存收遵化縣庫者
該前撫李瑾具題自天啓元年閏二月終存庫
民兵銀五萬二千二百九十兩二錢零自本年
三月起至崇禎二年七月終止收過四府解到
并還官銀共二十四萬六千五百三十七兩七
錢零其節年解給者自天啓元年三月起至崇

積二年七月終止助工解京并放過銀二十九萬六千七百七兩一錢零支剩實在銀二千一百二十兩八錢零此節年收放存留之數也至保河等府積逋成習有額徵而無全解自天啓元年起至崇禎二年七月終止共拖欠未完銀七萬七千一百九十九兩一錢零前撫所題節省一項卽係逋欠之數原非實在之銀冊內可按而考但所剩銀兩原留本鎮繕器之需歷年逋負器械未周邊庭已勞拮据若再搜括旣盡

何充料價之用等因并遵化縣收支民屯銀兩
文冊備考到部臣等覆閱咨文質之閔臣原疏
尚未瞭然仍移咨該撫覆查並劄薊鎮餉司詳
悉查報續准該撫咨稱三屯左管民兵先年倉
派保河等糧嗣後改爲召募故各兵工食出自
保河原不食餉司之糧至於民兵名色端然在
也原額一千六百九十名歲支工食銀二萬二
百八十兩今見在民兵八百八十九名每名歲
支銀一十二兩共銀一萬六百六十八兩又見

在家丁四百七名頂食民兵糧餉六百二十石
半每名歲支銀一十八兩共銀七千三百二十
六兩今逃汰家丁二名頂食民兵三名又華通
老弱及逃亡民兵一百八十七名半歲該銀二
千二百八十六兩夫錢糧絲毫爲重正當裁冗
節浮以濟帑藏之乏似不敢以額例爲詞惟是
此兵係貼防三臺山東西常谷潘龍各關口倘
缺數不補恐兵力單薄相應召募以實行伍至

小賞蓋鎮守提衡協路有操練查邊之役凡

夷漢家丁遠近哨夜勞賚有功員役悉予小賞
銀內動支原額三千四百兩山海鎮歲領銀五
百六十六兩六錢零緣本鎮駐劄閑門需賞尤
甚于薊且爲數不多似應照舊議留以備賞賚
三屯鎮歲額銀二千八百三十二兩零今本鎮
議於冬季爲始每季節省銀一百兩每歲共裁
銀四百兩扣解餉部亦可少助軍需于萬一也
等因又准薊遼總督劉策咨覆相同又據薊鎮
餉司何朝宗呈稱保河民兵銀兩內一項有薊

鎮餉司節年心紅工食銀四千九百三十四兩
四錢以抵本鎮年例之銀兩以作正項之軍餉
非日用之心紅係先年裁議保河各官之心紅
並無議于各役之工食但呈造一應文冊故曰
心紅字樣其實本鎮餉司原未派解心紅分釐
而本鎮各役亦未派解保河工食分釐也等因
各咨呈到部該臣等看得薊鎮民兵一項據關
臣之人

告若謂徒存其名而已細查並無召募且前項銀兩

不知解在何處夫閔臣巡行目擊意必諮詢道
鎮求其說而不得故扼腕條列因以釐虛冒討
軍實仰體我

皇上宵旰至意乃撫臣一再咨覆備開民兵原數及
工食款項並逃亡未補緣繇而猶謂係貼防要
地恐兵力卑弱不得不補若缺一不可者夫撫
臣念切封疆綢繆桑土必且熟而審於計據所
咨覆皆按之往牒及該道所申詳者則此二說
將何從也且保河廣大四府均

輸重地從來各項錢糧拖欠絕少何以累年積
逋至七萬七千餘也額編既有定數起徵詎容
短少旣以土著充頂必且計人設餉何以聽其
完解不常完則有一萬二千餘金之剩不完則
所剩無幾一任流移伸縮也前撫冊開每年額
解三萬九千六百二十八兩八錢於內實節省
一萬五千兩以抵年例原冊在部何以歸之拖
逋項下也鎮守小賞餉司心紅工食明白分註
衙門何至以保河舊日之名而冒爲薊鎮餉司

之用也臣等再四揣摩疑竇種種借非從頭置
問此項終是游移仍須再請

明旨特爲申飭

勅令順天撫臣速查薊鎮見額民兵若干原係民兵
何年以家丁頂役某處貼防若干有無隸籍兵
部果否仍當召補三屯鎮守小賞二千八百三
十二兩零果否止應裁四百兩山海鎮守小賞
五百六十六兩零果否不必議裁其在山海有
無另行設備薊州餉司心紅工食果否仍沿保

河名色與餉司衙門是否相干有無冒濫逐一
查明具奏酌議裁汰竊照前撫原議節省銀一
萬五千兩抵充年例已有成議今該撫咨稱每
歲約剩銀一萬二千八十餘兩而又有逃亡民
兵存銀二千二百八十餘兩又有三屯鎮守議
裁小賞銀四百兩則此一萬五千之數似亦無
難足額者也至軍火器械等項皆屬急需固不
可少除前支用及充餉外仍有餉司心紅等項
尚未查明并續裁小賞及逃故還官若有贏餘

清核積貯亦可充軍火器械之用矣今後仍令保河等府額編州縣將此民兵銀項載入考成自崇禎二年爲始內以一萬五千兩分派四府徑解太倉臣部坐發餉司充餉餘銀照各省直解宣府民運例聽各州縣仍解遵化庫候用但須起批向臣部掛銷以便查參及查節年拖欠銀七萬七千二百九十餘兩天啓五年以前業經蠲免其六七兩年及崇禎元年共拖欠銀一萬七千五十餘兩亦當一併追完解部充餉是

則保定巡撫所當祇奉

功令督率徵解而不得以拖欠爲固然者也臣雖
闇昧極知各衙門額設軍需賞賚心紅工食等
項飭戎固圉所費不貲兼之鼓舞差遣採哨偵
間如古所稱投醪挾纊椎牛享士者指數十萬
金錢恣出入而不問於以結衆心而奏膚功臣
又何得覈及銷缺惟是中外告匱

聖主焦勞其自撫臣各道餉司以及鎮守又皆一時
之選所爲共裕

二國計而殷恤時艱者無不倍切於臣矧閔臣之請
問屢厯

明旨臣自不得不直窮到底而未敢以含糊終也臣
等可任悚息待

命之至

崇禎二年十月二十七日具

題本月三十日奉

聖旨這保河民兵銀現支款項尚未明悉且旣云貼
防曾否作見兵額數着王元雅再查奏來額編載

入考、咸分解完欠解經傳依議行該衙門知道欽
此

議收煤炭以資防守疏

題爲虜氛孔熾謹議收買煤炭以資防守事臣思城守急務無過兵食而食之所需米爲上煤次之臣查京倉現貯糧米近二百萬尚可供十數月之支庚癸自可無呼惟煤炭素無預積萬一城門晝閉市易不通百萬烟竈孰從舉火臣愚以爲宜令順天府臣查該府有應解臣部及搜括在庫錢糧動支三千五百金分發宛大二縣及五城兵馬司銀各五百兩委差的當人役於

城外出煤地方分頭收買馳運入城囤聚兩縣
及五城公署以備急乏之時設法平價散賣民
間如是則米煤旣足人心不約而自固矣至于
城守營軍當此隆冬凍沍之時急宜軫恤饑寒
況當登陴防守之際何從轉覓煤炭容臣酌量
動支太倉銀兩遴委臣部司官平價收買煤炭
囤積於內城九門外城七門以備守城各軍屆
期炊爨之用所有原給煤價銀項照數扣除將
見市井晏然而士氣賈壯所謂食足而兵益強

其於城守事宜未必無小補也伏祈

聖明俯賜採擇施行

崇禎二年十一月初十日具

題本月十一日奉

聖旨預置煤炭以資防守具見卿等深計依議收買
囤聚價銀除太倉外順天府應解該部并搜括錢
糧如數措給不得延緩該衙門知道欽此

酌給京軍行糧疏

題爲遵

旨酌給京軍行糧事本月初二日准總督京營戎政
太子太傅襄城伯李守鐫協理京營戎政兵部
尚書李邦華手本爲羽書猝至等事奉

聖旨京營官兵已有旨照常操練行糧查例量給器
甲等項酌與給發該部知道欽此欽遵手本到臣
內稱頃有赴通薊防守例每日馬軍一名銀一
錢五分步軍一名銀八分念非遠戍似難援引

又查有往日供役

山陵例每日馬軍一名銀五分步軍一名銀二分五釐又念隆冬城守似屬太少隨擬每日步軍一名給銀四分馬一匹給料豆三升草一束自初二日爲始每五日一次造冊關領臣等深惟比年倉庫如洗卽額餉猶苦支持加以各鎮調發索賦如雨陡有城守之備分外日費數千事係軍機臣部固不敢少違時刻而用需煩鉅臣又不敢不倍爲斟酌該臣等與該總協再三商確

議定每日軍一名鹽菜銀二分本色米二升馬
一匹料草銀三分如遇有警之日每名再加鹽
菜五釐料草俱給本色卽折亦須四分隨據京
營戎政軍門委官毛祖讓等領到三大營列營
選壯班軍共十萬六千名馬共一萬七千四百
七十三匹自十一月初二日起至初六日止共
該鹽菜銀一萬六百兩共該料草銀二千六百
二十兩九錢五分共該本色米一萬六百石俱
卽時劄太倉銀庫下糧廳照領給發訖用以祇

遵量給之

明旨而仰體

軫恤京軍之至意也方擬具題間復於初六日蒙
賜召對齊集

朝班維時總協二臣與臣等議念惟風寒凜烈軍
士勞苦仍加鹽菜銀五釐以供煤炭遇有警日
仍照前議遞加蓋我

皇上不難損

御前十數鉅萬以爲犒賞臣部豈何敢靳此錙銖且

各臣方矢捐頂踵以護

社稷又何忍不備爲請

命也復據該營千總毛祖讓等具到印領自初六日
起至十一日止計六日共加銀三千一百八十
兩內查有班軍四千現充火軍未入營伍應每
名除去所加五釐隨該劄行太倉庫實給續加
銀三千六十兩又自初七日起至十一日止鹽
菜銀一萬六百兩料草銀二千六百二十兩九
錢五分俱照領給發訖其本色米一萬六百石

正擬行下糧廳劄發復於初八日躬恭

皇上平臺面諭姑改京營行糧本色爲折色蓋憐零
星支領軍士不得實濟恐無救於饑疲臣等敢
不仰體仍移會該總協復查用糧一石各軍在
倉轉鬻時值價銀七錢今議寧從優厚計米二
升折銀一分五釐通共每日四分班軍量減五
釐有警仍給本色再加鹽菜五釐該總協亦以
臣言爲然計初七日起至十一日止共該米折
銀七千九百五十兩復行劄庫給發訖以上行

糧鹽菜米草料折色每五日實計共該支銀二萬三千七百二十兩九錢五分皆一晷不容緩而億人所仰給者抑臣竊有請焉臣部新舊二庫所貯銀數備載前疏原自無幾近日外解亦復寥寥除前次

奏報給發外近緣昌平逼在震鄰且係

陵寢重地又發過該鎮舊餉一萬兩宣府易州鎮俱檄調援兵又發過二鎮舊餉各一萬兩又發過密雲新舊餉各一萬兩薊州新餉二萬七千七

十九兩八錢舊餉三萬兩又新庫內發過該鎮犒賞銀一萬兩又舊庫內發過該鎮犒賞銀五千兩又發過巡訪通州等處京營官軍行糧銀七百二十四兩五錢自十二日起至十六日止京營軍馬又該如前次給發微臣食息不遑多方湊泊已履行文附近省直勒令星夜齎解接濟自矢於犬馬報

主之誼第迢遞無救於目前而梗塞無益於緩急誠心有餘而計已罄也臣滋惴惴懼矣臣可任悚

息待

命之至

崇禎二年十一月十一日具

題本月十二日奉

聖旨覽奏京軍酌給行糧知道了卿拮据料理朕悉
鑒知外及鹽銀速解濟用欽此

酌議京軍預支通糧疏

題爲酌議京軍預支通糧以足軍糈以便防守事
竊惟今日虜氛孔熾躡入肘腋我

皇上威靈震疊援兵四集自可旦夕剪滅而中外諸
臣爲京倉計匱乏爲通倉計安穩猶切鯁鯁過
慮頃奉

皇上平臺召對諭令臣與總督協理二臣面議京軍
預支之策妥確具奏良恐變生不測事須急圖
寧預支以足兵食無漫藏以誨盜糧此

皇上睿謨深遠圖維萬全之計也薊通相去曾不隔
二百里倘虜輕兵遠襲瞬息可至雖設有防護
能無萬一之恐乎預支通糧無煩再計臣前欲
如先臣于謙故事令京軍往通州預支一二月
一則充我軍糈一則保無藉寇而總協以爲見
在防守不便他往近復奉

旨會議臣於初九日約集總協李守錡李邦華於
東朝房覲面商確臣聞昔年有三疊之法二班在
京一班領糧三次而竣而二臣終以虜警戒嚴

不便多撤爲虞乃議合計三大營京軍之數共
十一萬三千二百有零分作五班每班二萬餘
上下往廻通以三日爲期十萬人支糧非半月
不可似覺曠日持久然支一石卽得一石之用
亦非失算前十一月軍糧原題支放通倉近已
改支京倉今十二月軍糧又新奉有預支之

旨自宜查照亟行蓋通州方在防守恐多人猝至譏
覈不便而通倉放糧每日雖多不過二三萬若
果限於二萬卽於本日支完亦可免守候之勞

又議各軍除脚米免扣外每石再給路費三升以示優厚卽有不願往者既有路費或托親屬或覓他人不妨代領則領糧與防守兩不相礙足食而未始不足兵矣至支糧之法舊例論衛則用該衛委官冊領今議論營則用該營委官冊領此屬軍興一時權宜恐各衛多寡不均難以拘泥舊例也臣部卽行通州各倉自十二日爲始開倉預備隨到隨支此外仍有旗手等衛軍丁七千八百有零監局匠役一萬七百有零

又在京營十萬之外所當刻日支領以速爲便
不必拘定日期者也伏祈

勅下臣部容臣出示曉諭并轉行總協二臣總督倉
場及監督通倉等官一體遵奉施行

崇禎二年十一月十一日具

題本月十二日奉

聖旨既酌妥依議行該衙門知道欽此

薊鎮授兵本色甚急疏

題爲援兵本色甚急事准兵部揭稱前事奉

聖旨援兵行糧已有旨着南居益發運隨真定援兵
赴薊依奏還着戶部卽專差司官赴通協同督發
給軍還酌令足用折色隨宜護解一面具名回奏
欽此移揭到臣案查先准兵部咨爲緊急夷情
事奉

聖旨關寧大兵續集鎮協各兵分營督師袁崇煥當
指授方略劉策王元雅調度各將務着齊心協力

夾擊殲賊一體論功關兵遠來行糧支給新餉仍
着戶兵二部發銀三萬兩犒軍薊軍臨陣一體量
給其關寧亦須照顧該衙門知道欽此咨會到臣
臣部將應該犒賞銀一萬五千兩隨經奏給兵
部差官齎解去後惟是行糧一節屢歷

明旨卽庫藏告匱敢不勉措所虞各鎮援兵一旦會
集於薊則本色之急更十倍于折色假令有折
無本卽人挾十數金安可煮而食也宜樞臣之
以凍糧一萬石請也查本月初八日據薊州餉

司何朝宗申文內稱本鎮尚有漕糧二萬餘石此外士夫積米尚可買求惟豆草城內無積本職聞警設法收買亦自無幾等因臣部遵奉

明旨當卽再運凍糧萬石以裕接濟其援兵行糧恭
照

明旨已咨總督倉臣南居益發運隨真定援兵赴薊其協同督發司官查本州見有通糧廳丁流芳及差去收糧官喻思慥等宜責令共爲設法協發務期接濟則所

請專差官員似亦可省至於脚價取之輕齎銀兩聽
倉場督臣自行開銷耳然本色米固是急需而
本色草豆猶爲緊用據臣部料理行糧司官劉
維禎李孔度准兵部司官王建侯手本內稱援
兵每日步軍行糧米二升銀二分馬軍行糧米
二升銀五分案呈到部隨查天啓七年援遼事
例步軍每日支米一升五合鹽菜銀三分有馬
者每日加支料三升草一束又因兵馬數多本
色不敷每草一束折銀一分五釐豆三升折銀

二分一釐凡此俱往例也夫往例俱從其優則今日何得議減但往例或本或折則今日仍應間支臣請比照前例凡應援步軍每日支米一升五合鹽菜銀三分應援馬軍每日支米一升五合鹽菜銀三分單日支折草豆銀三分六釐雙日支草一束豆三升合候

命下容臣咨覆該部移咨各督撫鎮將照例關領臣部劄行該餉司照例支給庶幾式於畫一而脫于饑餒也獨慮大兵雲屯計馬不啻數萬日費

草豆甚夥薊州一城如斗何能供此非常之役
若非多方措處各路協同必不克辦昨據餉司
何朝宗稟帖內稱該鎮附近人民有移豆草而
就賣於城下者然非重價不足以來其向往之
心本部已劄庫發新舊召買銀二萬兩聽其收
買查有舊役商人併仍責令辦置此時奴雖逼
近然有援兵抵住該州西南一帶當收藏後諒
草豆亦自不乏卽城中亦應有見貯者在該餉
司與各商設法廣收萬勿徒爲委靠耳臣仍移

咨督臣知會併都察院轉行巡按巡關御史會
行薊密霸州各道轉行附近各該州縣如寶坻
武清香河三河平谷玉田豐潤等處皆薊之朝
夕邑也薊安與安薊危與危且玉田豐潤平且
皆應轉運關門以薊州較榆關道路更近萬不
得以迂迴借口至於寶坻武清皆英年甲科最
有幹濟者諒多多益辦而三河又係新發之礪
當此呼吸存亡之際尚惜餘力以齎寇盜否也
此外仍有道里相近及急公州縣臣部不能一

一遙度是在該道設法推廣查照州縣大小
益派買務期足用勿以幾百石幾千束藉口塞
責可耳又若召買價值如薊州道屬舊例買運
開門本色臣因虜氛正亟預計三年糧料疏內
業將薊屬同永平一體免派薊屬見有雜項銀
及坐撥太倉銀可備此項召買之用至於霸密
兩屬州縣雖雜項與太倉銀兩已經派作三年
買價然事急然眉權那急用不妨另向臣部領
三年糧料之價也倘再不足不論庫貯何項錢

糧一任那辦事平容臣部抵補但有運豆運草
數目獨多者移咨吏部優擢士民有能輸運者
值五十兩堆作百兩查照事例推算應得職銜
仍移咨吏部先選不願出仕者事平照例從優
旌表要以糧料草束非買之難而運之難再乞
聖明勅令在京勲戚諸臣有子粒田土附近薊州者
就便輸納豆草取該餉司實收爲據容臣部照
時估給價仍令勲戚諸臣有大車者各出大車
二五輛赴凍糧水次及召買州縣備剝運漕米

及豆草赴薊之用則衆力齊而輸轉不阻
奮而疆圉可固矣臣等可任悚息待

命之至

崇禎二年十一月十二日具題本月十三日奉

聖旨這援兵本色卽着丁流芳喻思慥督發豆草召
商收買何朝宗速行該督及關按御史仍嚴飭所
屬設法召買勲戚土田近薊者就便輸納豆草通
州草場有餘亦着量發價值剝運等項各如議行
欽此

分委司官給散城守行糧疏

題爲分委司官給散行糧本折以固城守事臣接
邸報該京營禮科給事中陳贊化題爲虜警已
迫城守宜定謹陳急着仰祈

聖鑒事奉

聖旨嚴防奸細已有屢旨城捕衙門務加意搜緝通
州重地鄧茂林旣習火器不必撤回韓兆先着與
議用城守兵窩舖等項作速設處糧餉選委司官
蚤與給散行糧二升亦折銀錢倉廩草場庫局萬

分謹防還嚴加申飭該衙門知道欽此內糧餉委
官給散一節事關臣部相應摘覆該臣等看得
城守軍丁值此嚴寒全恃一飽以鼓捍禦之力
臣與總協二臣往復議定每軍一名給鹽菜煤
炭銀二分五釐米二升有警再加五釐復蒙
皇上軫念窮軍持米難炊命改本色爲折色臣已恪
遵商酌將米二升折銀一分五釐計每日連鹽
菜煤炭銀共四分馬軍每日給草料銀三分有
警支給本色卽折亦須四分則

明旨所謂行糧二升亦折銀錢者似無容更議矣惟是各軍業已登城不能分身赴領臣部止據總協委官印信總領照數總發軍旣分城而守糧亦挨次而給稍稽晷刻便致啼饑旣凍且餒漸僵且斃此等光景尚望其效捍禦之力乎臣正擬派定司官分委給散而巡視科臣陳贊化目擊心憐已爲之懇切具疏矣臣謹於內九門外七門各設司官一員專董給散行糧之事而給散中節目亦有可得而詳言者一軍數宜確也

先應移文總協二臣速查各城門垛口若干守
垛軍丁若干名每名日給四分共該銀若干兩
仍以東南西北爲序挨開信地併遊兵守門兵
凡隸在本門者不拘馬步一體備列姓名銀數
移會臣部以便司官分領鑿鑿會同本門守城
科道唱名給散則頭緒清而實惠溥矣一本色
宜備也方今無事守垛買食尙易萬一虜薄
下誰爲倚劍司炊者合令該門司官於本門附
近地方或覓閑房或借寺觀爲預貯煤米之地

臣行京糧廳運貯倉米或撥發河千米各五百石分門運付各門司官照數查收又每門再發銀五十兩就便買煤并貯一處則軍需足而炊爨易矣一造飯宜商也目下支應折色不可爲常各軍造飯之具亦宜預定合令該門司官酌量垛口附近地方安頓鍋竈如馬道隔遠者應令工部運發木料適中處所量搭浮橋倘賊至則照每軍每日支米二升之例該司官督率原撥火軍代爲炊爨設法給散務均務飽其火軍

仍移總協衙門備開姓名以便司官稽查約束
預行分派鍋竈及炊爨信地逐一點驗以免臨
時張皇但不許差役騷擾需索致爲居民之害
則料理蚤而兵食充矣一苦寒宜恤也霜雪剝
裂風刺骨得一溫湯入腹便同挾纊之恩臣
當量發銀錢分委各門司官廣買姜椒每日城
下滾煮姜椒熱湯朝暮遍傳二次于費不吝于
利甚溥則寒威禦而士氣鼓矣一使令宜備也
本部司官各有職掌亦有空閑今內外各門共

差用十六人除各倉廠草場庫藏防守爲急及
二三煩劇掌印司官例不差遣外其餘掌印中
差及空閒司官俱在差遣之列一切支放行糧
出納煤米委非獨力可辦今議每員撥給本司
吏典二名書手一名仍每門於火軍內姑令就
近歸併量摘撥二十人以充使令之役其空閒
無差者本司再量撥皂隸二名以供奔走之需
則臂指運而職業舉矣以上數款雖卑之無甚
高論然使三軍果腹萬口含哺敵固未必臨門

人已先有固志未必于城守無小補而臣部職
掌亦得少盡其萬一矣倘各司官果能措置得
法軍民安堵事寧之日臣當具題優叙以酬勞
勩今并將各門分委司官開列於後伏乞

勅下臣部通行各門司官一體遵守施行

計開

正陽門照磨萬 鍊

崇文門浙江司郎中吳鳴虞

宣武門四川司主事李縉徵

朝陽門福建司郎中成珍

東直門貴州司員外宋應軫

安定門湖廣司郎中董爲

德勝門雲南司員外林一柱

西直門廣西司郎中王復興

阜城門浙江司員外陰化陽

西便門河南司員外傅國俊

廣寧門河南司主事宋開春

右安門山西司員外黃中色

永定門河南司主事王忠孝

左安門河南司主事戴金

廣渠門山東司郎中閻顧行

東便門湖廣司主事宋治寧

崇禎二年十一月十三日具

題本月十四日奉

聖旨這奏分派司官給散管軍行糧及預貯煤米各
款俱如議行違悞必罪米二升還折銀二分該衙
門知道欽此

援兵本色專官督催疏

題爲支應援兵本色最急謹設專官督催并申飭
州縣召買以免稽悞事臣接邸報該兵部題爲
援兵本色甚急等事本月初十日奉

聖旨援兵行糧已有旨着南居益發運隨真定援兵
赴薊依奏還着戶部卽專差司官赴通協同督發
給軍還酌令足用折色隨宜護解一面具名回奏
該衙門知道欽此又該兵部題爲欽奉

聖諭事奉

聖旨追防援各兵以次給賞完日彙冊具奏薊鎮餉司本色供給主客兵且虞樛腹通糧運發護送依議起運解到日期仍着各行速奏該衙門知道欽此又該兵部題爲欽奉

聖諭事奉

聖旨劉國柱約束不嚴着督臣查明奏處一應援兵糧料京東西經過州縣預儲速給事平銷算有司違玩者以失悞軍機論罪運剝本色戶部差司官督發如該管及地方官借口車僱不前有誤糧運

亦同前罪俱着巡按御史董羽宸嚴檄催督仍星
馳前來調度糧料既給紀律宜嚴本管官縱軍擄
掠該督撫奏治罪各不得姑息援兵事宜知道
了該衙門知道欽此又該兵部題爲援兵四集等
事奉

聖旨各軍赴援紀律宜肅但有搶掠照軍法行其應
給糧料專督司官速與給發不得慢慢取罪該部
知道欽此又該薊州糧儲郎中何朝宗題爲薊倉
以改折致虛等事奉

聖旨兵集需餉已有旨運解本色豆草一併速運着
該部刻期立發一面覆奏欽此又該本部題爲援
兵本色甚急等事奉

聖旨這援兵本色卽着丁流芳喻思慥督發豆草召
商收買何朝宗速行該督及關按御史仍嚴飭所
屬設法召買勲戚土田近薊者就便輸納豆草通
州草場有餘亦着量發價值剝運等項各如議行
欽此又准薊遼總督劉策咨爲支給行糧事內
據薊州管糧何郎中呈稱援兵行糧俱係本

色職自卽發銀一千六百兩委官前買本色除
米豆職多方措處尚可支應惟草束無賣今一
面差人四散貴買然恐兵馬雲集終難四應伏
乞移咨本部速爲措處等因轉咨到部復接督
師袁崇煥揭帖爲兵馬料草缺乏乞

亟勅設法速運事內稱兵馬衆多師行糧從薊糧食
尚可支惟草豆最乏東來者俱選鋒大馬食料
頗多今格于例臣止今日支五升爲數已侈伏
乞

亟勅該部設處或取之通灣或取之天津或取之
儲速運速至等因其題奉

聖旨兵糧屢旨給發草豆急需設處通津見貯的速
行轉解就近召買續運着各刻期僱發先將起運
數目日期具奏該部知道欽此欽遵該臣等看得
夷氛突起徵調如林師行糧從首需本色臣於
聞警之日業已檄各經過地方協運本色備用
又續行霸密薊三道轉行各屬動支新餉款內
題定坐撥太倉銀兩并新餉雜徵銀兩倘有不

足不拘庫貯何項錢糧作速召買以爲援兵行糧之用俟事平銷算矣又劄發新餉銀一萬兩付兌運至事林弘衍召買矣又劄發新舊餉銀二萬兩付薊州糧儲郎中何朝宗召商速買矣據何郎中申稱城內尚有漕米二萬石此外士夫積米尚可買求臣又遵奉

明旨咨會總督倉臣南居益督同通糧廳郎中丁流芳收糧主事喻思慥發運凍糧一萬石督師來揭亦謂糧食尚可支惟豆草最乏則今日召買

之議應以全副精神專用之豆草復據總督劉
策咨稱米豆尚可支應惟草束無實則草又急
於豆此本色三項中緩急之次第也臣臆勉救
急先將自行召買料豆見向兵工兩部借倩大
車厚給腳價徑運薊州接濟又行挖運主事林
弘衍將通州見貯草豆星火運薊再發新餉召
買銀一萬兩解赴通州分派臣部管理通差司
官林弘衍路來賀丁流芳周京分買分運通與
薊近而通又爲人烟湊集之地通之官又爲司

倉儲司轉運之官其於買運一事尚屬輕車熟路各官皆饒有才略內林弘衍靈通應變聞臣方大任亟口稱之諒能辦此應遵

明旨行四司官先將起運數目日期具

奏此後每解運一次具報臣部一次買運先完者再赴臣部領銀續買事平之日查召買最多者與之題敘超擢示勸可也奉有

明旨着巡按御史董羽宸嚴檄催督繡斧威靈各屬自應響應至於臣部司官前議不必委之運凍

糧以通廳及收糧皆有專官也今議仍宜委通
催豆草以運剝督發應有責成也查得臣屬山
西司員外郎黃中色起家縣令饒有心計且慷
慨任事堪備茲選合無差赴通州專理召買援
兵糧餉事務其間節目亦有可得而詳言者一
召買之價宜裕也霸密薊三道各有坐撥太倉
銀及雜項銀動用外臣恐銀數不多未足敷用
又恐州縣庫藏空虛措價而後議買也晚矣臣
部當再發銀一萬兩付本官帶至通州聽本官

移會董御史商確某州某縣該發銀若干或照數總解該道令其分發州縣或令附近各州縣照數自赴通州兌領俱惟臺臣主之而本官照數發之倘銀不敷派卽令本官具文向臣部申請再發本官仍不時巡行州縣督催總期於事速而用足可矣一召買之忱宜勸也除州縣運豆運草獨多者移咨吏部優擢外士民能輸運者價值五十兩准算事例銀一百兩移文吏部與以應得職銜仍令先選不願出仕者從優旌

表又勲戚諸臣有籽粒田土附近薊州者就便輸納豆草取餉司實收赴臣部照時估給價又勲戚大臣有大車者各出三五輛剝運臣前疏已言之矣昨猶虞忠義之心無繇

上達今旣專其柄於臺臣則涓滴之勞皆可邀華衮合無令各州縣一面召買一面將各款榜示有一款應者則開一款報臺臣并報差夫司官轉報臣部俟彙齊逐一題敘以酬其勞而人心無不鼓舞矣一變通之法宜商也北地養馬葡萄

豆皆可兼用召買地方不妨通融糴買或糴豆
各半或糴四豆六俱惟其便但不許一槩買糴
以致偏廢無用聽差去司官斟酌查收而飼養
稍覺便易矣一督運之權宜重也奉有

明旨有司違玩者以失悞軍機論如該管及地方官
借口車催不前有悞糧運亦同前罪

功令森然誰敢屑越怠玩有司自當凜凜于臺臣
之白簡至臣部司官率多以閒曹視之倘有呼
而不應應而不速者許差去司官徑行叅奏庶

法令可行但事關錢糧上下文移須用印信合
臣部冊庫印權行借用而冊庫事務卽以山西
司印行之勿劇之時可免另鑄矣一見在之時
宜那也查北畿地方賦役書冊額徵銀兩之外
又有額徵黑豆如三河縣則徵豆七千八百餘
石平谷縣則徵豆二千四百餘石密雲縣則徵
豆一萬五百餘石雖有徵則必有用而此急則
彼尚可緩合無令差去司官移會臺臣行各地
方查一應額徵轉解本色權宜借解照時估報

價補還庶可朝呼而夕應矣一脚價之例宜分
也地方有遠近則脚價有多寡合聽臺臣酌量
增減差去司官核實查報固不得乘急冒破亦
無使膠柱稽遲而事可集矣以上數款似覺冗
長迂濶然不得不詳言之使司官有所遵守耳
又據督師咨稱以天津料草運寶坻繇寶坻以
運薊亦是一法第道里遠近未知若何容一面
行津部設法措發并從長酌議又聞寶坻一縣
民頗富饒積貯草豆儘多但以平價與之可隨

取隨足且該縣知縣史應聘清操長才素得
心若多發價與之并脚價照制似亦無難措置
不更愈于天津之路遠而費多哉俟其轉輸有
效卽爲減俸行取拔置銓垣功在封疆亦不爲
過優也然事急矣止求濟用卽隔遠州縣亦望
協力蹙手安得獨責望于附近地方是又在臺
臣酌量分派以期必濟耳伏乞

皇上勅下臣部容臣劄差司官黃中色火速前去通
州料理仍移文各該衙門一體遵奉施行軍興

緊急實運難緩臣無勝惶悚待

命之至

崇禎二年十一月十五日具

題

聖旨未下

勸借車輛轉運本色疏

題爲恭請

明旨勸借車輛以便轉輸援兵本色事案查該臣部
題爲援兵本色甚急事等因本月十三日奉

聖旨這援兵本色卽着丁流芳喻思慥發豆草召商
收買何朝宗速行該督及開按御史仍嚴飭所屬
設法召買勲戚土田近薊者就便輸納豆草通州
草場有餘亦着量發價值剝運等項各如議行欽
此隨該臣移咨都察院轉行巡按巡關御史併

劄順天府移會各勲戚及劄行劄鎮餉司署
中事員外郎何朝宗通糧廳郎中丁流芳收米
主事喻思慥等遵照

明旨內事理共力接濟間伏接邸報該劄州糧儲
朝宗一本爲劄倉以改折致虛事奉

聖旨兵集需餉已有旨運解本色豆草一併速運着
該部刻期立發一面覆奏欽此欽遵查得臣近日
買有預備京營料豆隨向兵部請大車二十輛
並給腳價盤費裝載料豆四百石已於十五日

裝載起發就道訖至於草東京場儘有儘可先
那數萬以濟薊門急用一面容臣行令各管草
場官買補事亦甚便但緣虜氛逼近一時車脚
卽以厚價招徠俱尚未肯東往且臣部與京城
地方原無統轄率皆掉臂而去臣業行順天府
責令宛大二縣多雇大小車輛臣部給與厚價
轉運京通料豆多多益善惟是人情薄惡率乘
危急而徼厚利甚至買價與運價相當臣部爲
國家守財不能不戚戚於中也臣又移咨借大車

於工部雖蒙應允亦未見至計惟勲戚諸家
有大車頗多臣前疏備陳各借三五輛倘蒙
明旨勸借

天語激發則立時可得百餘計三日之內可運草豆
不貲也諸勲戚急公之誼人有同心諒不肯惜
此微物以應

國家之急至於一應腳價盤費臣願措處自不取
惜但得先行拯救目前嗣著在通諸臣及臣等
疏所奏差官協力轉輸或可興其源源不匱

但車至通州須令兵部撥發防兵護送至薊
勅督師於近薊處所遣兵迎護入城庶聲勢互應而
遄臻可冀矣臣可任激切待

命之至

崇禎二年十一月十五日具

題本月十八日奉

聖旨運薊已發豆數知道了京場草束似難輕借工
部并勲戚誼同急公車輒速與撥給以便陸續轉
運撥兵送迎兵部與督師依議行欽此

酌議城守給餉事宜疏

題爲酌議城守給餉未盡事宜以便遵行事比者
奴氛孔熾逼近郊原臣恨不旦夕剪滅永保金
湯顧所賴以戮力城守者惟此三大營十萬軍
丁耳投醪挾纊固結人心固

聖明浩蕩之深恩亦臣子靖共之職分也臣是以有
分委司官給散行糧本折以固城守一疏嗣奉
聖旨這奏分派司官給散營軍行糧及預貯煤米各
款俱如議行違悞必罪米二升還折銀二分該衙

門知道欽此臣卽通行各該司官照磨萬鍊郎堪
吳鳴虞等速行遵守料理督同委官分領折銀
行糧鑿鑿唱散又行京糧廳主事趙建極速督
各倉運米前赴各門收貯以便支給又每門發
銀五十兩收買煤炭積貯空便處所以備乏絕
顧就中一二事宜仍有當商確者各軍不論馬
步原議每名給鹽菜銀二分續加給煤炭銀五
釐又給米折二分有警量加五釐是無警則四
分五釐有警則五分也但

明旨所謂折銀二分者果常給折色乎抑仍給本色乎米折至于二分可謂優厚各軍市買餅餌亦可一飽若改給本色安保各軍之無缺望也第恐城守戒嚴市買稀少各軍仍欲得米若單給折色或于軍亦未甚便也合無本折一聽各軍之願否各軍告之營將營將告之總協具領前來或本或折要在通營畫一無致參差臣部惟祇奉以從事耳此不可不預爲申明者也至於督率火軍造飯及煮姜椒湯二事臣始以各軍

守塚人數不多一司官二三吏書及火軍一吏
名足辦此矣今據各營開送各門守城官軍有
三四千餘者亦有至五六千者火軍之與司官
原非素習恐不受其約束司官之監造飯待哺
頃刻恐非力所能辦當此虜警紛紜之時又值
軍馬叢雜之際萬一各軍爭食反生釁端况總
協工部軍興倥傯原撥火軍尚無姓名不知確
有著落否鍋竈器具或備或折未知果能猝辦
否恐臣憂

國之熱腸反成倉皇之罪戾也况米有精粗仍須
回碾飯有美惡易起口語則仍令各軍自行傾
米火頭代爲炊煮臣部司官時一省試督催可
耳至於時當沍寒姜椒固所必須尤恐冷煖不
常傳散難遍不若於放行糧時每軍五日加銀
五釐或錢三文則實惠可及而軍心亦貼然矣
又若各軍行糧內原有煤炭銀五釐臣所買煤
原備煮姜椒湯及各軍乏絕之用若逐人而與
之旣難分散亦恐不給仍當諭令各軍自行問

買而以臣部所市量作周急之需似爲妥便無
已則并宛大及五城所買俱運至城門支用猶
惴惴不敷也果爾則又以給折爲公私兩便之
計矣總之軍士固宜於飽飫而戎事尤戒於誼
譁糧餉不嫌於優厚而釁萌尤貴於消弭蓋臣
至今日而始媿前此思之未熟也臣與司官再
四商確寧從其簡便而直截者以示體恤以便
城守伏惟

聖明裁察施行

崇禎二年十一月十六日具

題本月十八日奉

聖旨諸軍登陴法宜傳餐合給本折還聽總協酌議
從便爾部選委司官督理勿得稽悞欽此

酌議解發援兵行糧疏

題爲酌議解發援兵行糧以便接供億事本月十六日准兵部咨內稱調到宣大等處援兵俱於本日午時到京令臣部給發行糧寧使逾額不可愆期隨該臣等覆咨該部兵馬現在何處應該行糧若干有無統兵將領責令具領關支或本或折俟回答到臣刻期給發續准兵部回稱本部二次調宣大援兵各一萬續據宣府郭巡撫總兵侯世祿報稱陸續共發兵一萬一千二

百三員名大同總兵滿桂報稱統兵五千但該鎮所調兵馬俱係陸續進發其行糧合照見報數目解發軍前交給該鎮本部仍一面劄令各鎮照數查收具領銷算如兵多糧少再行補給如有餘餉卽行扣存等因准此臣等查得自有東事以來凡徵調各鎮援遼兵馬舊有二例有經過州縣照例給散者有安家行糧該鎮先行奏給沿途應用者先是兵部一本爲緊急夷情事奉

聖旨各鎮務選精卒能將聞調赴援不得逗遛安家
行糧先行湊給該部卽與補給欽此是卽本鎮給
領之舊例也又該兵部一本爲欽奉

聖諭事奉

聖旨一切援兵糧料京東西經過州縣預儲速給欽
此是卽州縣給散之舊例也臣部俱經分頭移
文申飭州縣并劄行各該餉司矣又該兵部一
本爲遵

旨集議事奉

聖旨援兵糧菜犒賞等項戶部預定官役設法支應
不得臨時空缺欽此是則又爲援兵在

都門內外者而言也似與援兵徵調在途者異矣
前據大同撫臣張宗衡宣府撫臣郭之琮保定
撫臣解經傳易州道臣沈榮俱各遵照

明旨措辦起發移文到臣及易州良涿等處尚能沿
途供備比過通州以東而饑渴載路矣方到薊
門卽刻撤回聞宣府兵每人給銀一兩其大同
兵未知果抵何處曾給行糧與否乃遂肆掠逼

至近郊殊不可解或謂往日徵調賊在榆關之外是以猶得從容預辦今值虜警陡聞門庭寇迫兼以援兵未集倏忽爲時倥偬此禍變所繇起也薊門一帶時值軍興卽令行糧缺乏倘至駐防地方不妨聽令將領移文請討而沿途驛騷所在搶掠則紀律安在也州縣雖無在庫錢糧亦當那借奏辦照例給發而乃株守故常以致各兵乘機猖狂則職掌安在也

國憲凜如

功令有赫此非臣部所敢擅議或謂遵化潰兵
畿輔流民相煽爲亂是未可知而說者多嘖嘖於
宜大援兵則臣部不能無疑矣查宣大各兵既
未遇敵自有押兵將領仍有大將侯世祿滿桂
實司調度目前當令兵部亟差聽用將官會同
領兵將官撫諭安輯仍檄侯世祿滿桂親至曉
諭解散俾其照舊防援則目前喫緊最要務也
至於各軍漸邇

都門近准兵部移咨請討行糧但領餉官冊領米

到臣無所據以分發及准兵部咨稱宣府援兵
一萬一千二百三員名大同援兵五千名合無
每兵一名各預發銀一兩臣部支解兵部兵部
差官轉解總兵侯世祿滿桂處陸續支給事完
銷算不足再補或亦救急之權宜耳至於援兵
如果劄營

都城之外或本或折臣部先行預辦於以仰遵不
得臨時空缺乏

明旨斯又臣部之職分而不敢不黽勉拮据者也臣

等可任懷息待

命之至

崇禎二年十一月十七日具

題本月十八日奉

聖旨宣大援兵撫輯已有專諭行糧依議預發各兵
至京本折俱宜速辦更須多備不得缺乏致悞軍
機欽此

京營城守軍丁行糧給散踰期疏

題爲京營城守軍丁行糧給散踰期懇

勅申飭支領以免怨謫事粵自十一月初二日京營
軍丁上城防守通計十萬六千餘人五日一支
行糧臣部雖稱匱乏屢勉措辦朝不及夕惟恐
各軍之不速蒙惠也讀該巡視京營禮科給事
中陳贊化具題欲臣部委司官監放臣部義不
辭難未敢推諉卽爲題覆責成惟恐各軍之不
霑實惠也查第一次第二次行糧總協委官具

領并臣部給發俱蚤然而包封給散猶需時且
臣已惴惴懼之第三次自十二日起至十六日
止共該鹽菜煤炭料草銀一萬七千五百八十
七兩六錢共該米折每二升折銀二分銀一萬
五百六十九兩四錢奉

旨委令司官監放臣部卽移文總協二臣討各門軍
丁名數并請令各管委官速領鑿鑿給散乃十
四日京管總領方至臣部劄庫給米折銀劄局
給鹽菜煤炭料草錢緣各軍利於得錢而臣部

適有新鑄

制錢在寶泉局只得盡數給散每銀一錢以七十文
折算從優厚也一面仍行總協知會委官赴領
至十六日猶不見至臣又手書催之總協二臣
俱應以卽行赴領當於本日將米折銀一萬五
百六十九兩四錢領去訖其鹽菜煤炭料草錢
約於次日起領今五日之期已完當領第四次
矣而第二次每軍米二升奉有折價之

旨每米二升折銀一分五釐共改折銀七千九百五

十兩臣於十一日卽劄行太倉庫昨據管庫
事馮世熙稟報今尚未領該庫當差庫官馮
正解赴總協衙門交明給散夫行糧重務往往
稽遲乃爾萬一各軍有枵腹之慮有脫軍之虞
將誰任其咎乎臣部欲求一各門軍丁花名清
冊而不可得欲求一各門軍丁總數而亦不可
得卽欲責委司官唱放從何下手在總協急公
憂

國寢處無暇或以冗劇未及分身料理臣部職掌

所關大懼遲悞致啓怨讟之口尤慮就中各營將領或因司官監放不便於已而遲遲不領以激軍士之怒而諉罪於臣部是未可知臣若此時不言異時言之晚矣目今虜警倉皇人情鼎沸稍有稽延易至喧囂當此軍旅倥偬之時臣誠不勝臨淵履薄之懼况近接邸報該兵科都給事中張鵬雲題爲夷情孔棘事奉

聖旨目前急務兵餉漕米城守已奉旨料理事關戶兵工三部的著每兩日一開奏及月糧賞賜定期

給散不許更移剝短有仍前怠玩的該科指實
糾重者以失悞軍事究罪著通行嚴飭該衙門知
道欽此捧讀之餘令人廩廩竊意京營城守軍丁
既有定額合無容令臣部每至五日之期卽行
奏辦秤兌明白次日照數解送京營衙門聽其
自爲分發倘果臣部司官監放未便不如已之
亦可免於越俎而代庖十羊而九牧爲也統惟

聖明裁督

宸斷施行臣可任悚息待

命之至

崇禎二年十一月十七日具

題本月十九日奉

聖旨管軍行糧依議着先期辦完解送不得有悞欽
此

度支奏議堂稿八卷終